

REFERAT US - Utoqqaat siunnersuisoqatigiiffiat d. 30-05-2022

Mødedato Mandag d. 30. maj 2022 kl. 19:00

Mødested Suliffeqarnermut Isumaginninnermullu Ingerlatsiviup ataatsimiittarfiani2. sal-imi.

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisoqatigiit ataatsimiinneranni imaqarniliaq

Sisamangorneq ulloq 30. maaji 2022, nal. 15:00.

Sumi: Suliffeqarnermut Isumaginninnermullu Ingerlatsiviup ataatsimiittarfiani 2. sal-imi.

Ataatsimiinnermi peqataasut:

Marianne Jensen, Siulittaasq
Mina Lorenzen, Siulittaasup tullia
Kirsten Holm, Ilaasortaq
Inga Egede, Utoqqaat Illersuisuat
Inger P. Rosbach, Nuummi Utoqqaat peqatigiiffianni siulittaasq
Arnanguaq Heilmann Christiansen, Utoqqarnut Sullissiveqarfimmi fagcheffi
Naja Anelouise Heilmann, Allatsi

Peqataangitsut:

Mikael Ludvigsen, Ilaasortaq
Jakob Thorsen, Ilaasortaq
Dorthe Josefsen, Sinniisoq
Daniel Blytmann, Sinniisoq

Imaqarniliaq:

1. Oqaluuserisassat akuerineqarnerat

Oqaluuserisassat taamatut isikkoqartillugit akuersissutigineqarput.

2. Utoqqaat Illersuisuannik aamma Utoqqaat Peqatigiit sinniisaannik naapeqateqarneq

Utoqqaat Illersuisuat aamma Nuummi Utoqqaat Peqatigiiffianni siulittaasq
ataatsimiinnermi Utoqqaat pillugit siunnersuisoqatigiit siulittaasuannit tikilluaqquneqarput.

Ataatsimiinnermi najuuttut tamarmik naatsumik imminut ilisaritipput, tamatumalu kingorna anguniakkatik pingaarnerit pillugit ilisimatitsitsillutik, peqataasullu apeqquteqarnerisigut itisiliiffigineqartunik.

Naapeqatigiinnermi isumaqatigiissutigineqarpoq suliat killiffiillu pillugit ukiumut ataasiarlutik ilisimatitseqatigiittarnissaq, taamaalillutik sutigut ikorfartoqatigiissinnaanerlutik erseqqarinnerulerniassammat. Aammattaaq isumaqatigiissutigineqarpoq pisariaqartinneqartillugu sukkullunnit saaffiginnittoqarsinnaasoq.

Utoqqaat Illersuisuata oqaatigivaa siunnersuutini, suut Utoqqaat pillugit Siunnersuisoqatigiit suliniutigisinnaaneraat allakkatigut Utoqqaat pillugit Siunnersuisoqatigiit siulittaasuannut nassiunniarlugit, ataatsimiinnerup tullianut oqallisissiatut piukkukkamigit.

Utoqqaat Illersuisuat aamma Nuummi Utoqqaat Peqatigiiffianni siulittaasoq ilasseqatigiinnerup kingorna ataatsimiinnermit ingerlapput, ilasseqatigiinnermi taamaallaat peqataasussaagamik.

3. Kingullermik ataatsimiinnermi imaqarniliap akuersissutigineqarnera – ulloq 31. marsi 2022

Imaqarniliaq nassiunneqaqqinnissaanut kissaatigineqarpoq piffissaqarnerulaarlutik atuarniassagamikku. Imaqarniliaq allakkatigut akuersissutigineqassaaq.

4. Ilisimatitseqatigiinneq

4.1 Siulittaasumit

4.1.1 Siulittaasup ilisimatitsissutigivaa ataatsimiinnerup tullia pitinnagu Utoqqaat pillugit Siunnersuisoqatigiit Facebook quppersagaanik pilersitsinissaq suliniutigumaarlugu.

4.1.2 Siulittaasup ilisimatitsissutigivaa Nunani issittuni utoqqalineq pillugu nalunaarusiaq qallunaatut allaqqasoq Utoqqarnut Sullissiveqarfimmi fagchefimit pissariarisimallugu.

Siulittaasup kissaatigivaa Utoqqarnut Sullissiveqarfimmi fagchefip kalaallisut allaqqasortaa nassiussagaa, siulittaasullu ingerlateqqikkumaarlugu Utoqqaat pillugit Siunnersuisoqatigiivinut, utoqqarnut atugassarititaasut pillugit allaqqasoqarnera piukkullugu.

4.1.3. Siulittaasup ilisimatitsissutigivaa Utoqqaat pillugit Siunnersuisoqatigiinnut ilaasortaq Mikael Ludvigsen Danmarkimut nuunnissani pillugu ilaasortajunnaarusulluni siulittaasumut allagaqarluni qinnuteqartoq. Qinnuteqaat ilaasortat ajuusaarutigigaluarlugu akueraat, Mikael-illu isummersueqataalluarterneranut qutsavigalugu ajunnginnerpaanillu kissaallugu.

4.2 Ingerlatsivimmit

4.2.1 Utoqqarnut Sullissiveqarfimmiit fagchefip ilisimatitsissutigivaa angerlarsimaffimmi ikiorteqartitsivimmi nutaamik aqutsisortaalersut qaammat juunip aallartinneraniit.

4.2.2 Utoqqarnut Sullissiveqarfimmiit fagchefip ilisimatitsissutigivaa aallarniutigalugu Nuummi utoqqarnut sullissisut tamarmik pikkorissarlutik aallartittut. Pikkorissartitsinerup siunertarivaa sullissineq pitsaasoq anguniarlugu, sulisullu inuttut sakkussaqaarnerulernissaat imminullu tatiginerulernissaat.

4.3 Allanit

Soqanngilaq.

5. Utoqqaat pillugit Siunnersuisoqatigiit suleriaasissaannut allannguutissatut siunnersuutit

Utoqqaat pillugit Siunnersuisoqatigiit suleriaasissaannut allannguutissatut siulittaasumit siunnersuutigineqartut ataatsimiinnermi akuersissutigineqarput.

Suleriaasissamut siunnersuutit siulittaasumit nassiunneqarnikut imatut allaqqapput:

- 1) *"Oqaluuserisassat siulittaasumit allattoqarfik peqatigalugu suliarineqartassapput, ilaasortanullu nassiunneqartassallutik kingusinnerpaamik ataatsimiinnissaq ullunik 7-nik sioqqullugu. Ilaasortat oqaluuserisassanut ilanngussaqaarsinnaapput kingusinnerpaamik ataatsimiinnissaq ullunik 14-nik sioqqullugu utoqqaat pillugit siunnersuisoqatigiit mail-iannut nassiussinikkut: utoqqarnut-siunnersuisooqatigiit@sermersooq.gl, tamatumalu kingorna allatsip oqaluuserisassatut siunnersuutigineqartoq pillugu siulittaasoq oqaloqatigissavaa."*
- 2) *"Ataatsimiinnermit imaqarniliaq allatsimit allanneqassaaq sapinngisamillu piaarnerpaamik ilaasortanut nassiunneqassalluni, allaanngutissanik naqqiissutinilluunnit nassiussaqaarissamut sapaatip akunneranik ataatsimik periarfissalerlugu.*

Imaqarniliaq iluarsisaq ilaasortanut akuersissanngorlugu nassiunneqassaaq. Sapaatip akunnerata ataatsip qaangiunneratigut uparuaatinik nutaanik takkuttoqarsimanngippat imaqarniliaq akuersissutigineqartutut isigineqassaaq avammullu saqqummiunneqarsinnaassalluni."

6. Workshop-imik malitseqartitsineq

Utoqqaat pillugit Siunnersuisoqatigiit ataasinngorneq 9. maaji 2022, nal: 13-16, kommunip ataatsimiittarfiani workshop ingerlanneqarpoq. Workshop ingerlanneqarnerani eqimattakkaarlutik anguniakkatut suut suliniutigineqassanersut oqallisigineqarput.

Pingaarnersuinikkut anguniagassat pingasut qulequttat toqqarneqarput, tassaallutillu:

1. Eqaannerusumik ataqatigiissaagaanerusumillu utoqqarnuinnaq saaffiginnitarfeqarnissaq.

2. Kommuneqarfik Sermersuumi utoqqaat atugarisaat pillugit misissuititsinissaq.
(sumiippat, qanoq atugaqarpat, qanoq peqqissutsikkut inissisimappat)
3. Utoqqarnut ineqartitsineq.
(Utoqqarnut immikkut naleqqussakkat inissiat).

Utoqqaat pillugit Siunnersuisoqatigiit aalajangerput ataatsimiinnerup tulliani anguniagassatut siunniunneqartut oqallisigineqassasut qanoq anguniarneqassanersut.

Workshop-ermermi peqataataangitsut: Ilaasortaq Jakob Thorsen, Siinniisoq Daniel Blytmann, Siinniisoq Dorthea Josefsen.

7. Utoqqaat pillugit Siunnersuisoqatigiit nittartagaannut assinik ikkussineq

Utoqqaat pillugit Siunnersuisoqatigiit aalajangerput ataatsimiinnerup tullissaani assilitikkusullutik Utoqqaat pillugit Siunnersuisoqatigiit quppersagaani Kommuneqarfik Sermersuup ataaniittumut ikkunneqartussanik.

8. Taasariaqartut allat

Piffissaq ingerlapallattartorujussuummat ajornangippat oqaluuserisassat amerlavallaartannginnissaat kissaatigineqarpoq.

